

癸三十四十二年和漢年契春正月天皇崩年七十八葬河內長野
陵日本史后忍坂大中姬稚野毛二派皇子女衣通姬后子五后生木梨輕
皇子境黑彥皇子安康帝八鈞白彥皇子雄略帝

日本源流考卷五

臣王先謙撰集

安康天皇

唐書日本傳次安康

宋史日本傳次安康天皇紀年代

日本史安康天皇諱穴穗允恭第三子也母忍坂大中姬皇后四
十二年正月允恭崩十月葬允恭時太子淫虐羣臣不服歸望天
皇太子集兵將襲天皇既而度事不成匿物部大前家天皇圍之
太子自殺十二月卽位尊皇后曰皇太后遷都石上號穴穗宮
甲孝武帝元年日本史春二月殺皇叔大草香皇子納其妻中蒂
姬爲妃帝欲爲大泊瀨皇子聘大草香妹幡梭皇女使根使主致
其意大草香允諾因以其私寶押木珠縵者附根使主曰菲薄之

考三安康

物願為信契卿宜為奏上根使主愛其美麗私匿之佯奏曰大草香皇子不奉命謂臣曰彼雖同族豈得以吾妹為妻邪帝怒遣兵圍大草香第攻殺之乃取幡梭為大泊瀨皇子妃

乙未二年日本史春正月立中蒂姬為皇后履中帝女也

丙申三年和漢年契秋八月眉輪王弒帝日本史大草香子眉輪王中蒂姬所生以母故

免罪養宮中三年八月帝幸山宮宴於樓上酒酣謂后曰吾妹故
古俗蓋稱汝雖新昵唯恐眉輪王長之後知朕殺其父必有報仇
之心朕常以為念耳因枕后膝而臥眉輪王時年十
歲遊戲樓下悉聽其言遂登樓伺帝醉睡刺而弒之
年五十六葬菅原伏見陵

雄略天皇

唐書日本傳次雄略

宋史日本傳次雄略天皇年代

日本史雄略天皇諱大泊願允恭肅加山宮康利母弟也
皇疑諸兄戎服率兵逼八鈞白彥皇子問其故皇子不答天皇拔刀斬之又問坂合黑彥皇子亦不答天皇愈怒黑彥皇子懼與眉輪王俱亡匿大臣葛城圓宅天皇圍其宅縱火悉燒殺之初安康嘗欲傳位磐坂市邊押磐皇子豫屬後事天皇銜之十月誘殺市邊押磐皇子及其弟御馬皇子十一月命有司設壇於泊瀨朝倉宮即位遂都馬以平羣真鳥為大臣

丁西大明元年和漢年契春三月立幡梭為皇后

戊戌二年和漢年契行幸吉野宮獵御馬瀨

己亥三年

庚子四年和漢年契獵川上小野秋八月獵葛城山

宋書倭國傳濟死世子興遣使貢獻

梁書倭國傳濟死立子興

宋書孝武帝紀大明四年倭國遣使獻方物

辛丑五年和漢年契獵葛城山帝親殺野猪

壬寅六年和漢年契行幸泊瀨小野

宋書孝武帝紀大明六年以倭王世子興為安東將軍

宋書倭國傳世祖大明六年詔曰倭王世子興奕世載忠作藩

外海稟化寧境恭修貢職新嗣邊業宜授爵號可安東將軍倭

國王

癸卯七年和漢年契帝奪吉備田狹妻為女御

甲辰八年和漢年契遣使於吳

乙巳前廢帝景和元年九年和漢年契遣師伐新羅不克

丙寅十一年和漢年契遣使於吳

未申戊四十二年和漢年契遣使於吳十月詔木工鬪雞御田始起樓

閣

己酉十三年和漢年契遣小野大樹討播磨賊誅之

庚戌十四年和漢年契根使主事覺伏誅

辛亥十五年

壬子泰豫十六年和漢年契詔宜桑國縣植桑

癸丑後廢帝十七年

甲寅十八年和漢年契遣物部菟代討伊勢賊朝日郎誅之

乙卯十九年和漢年契高麗滅百濟殺其王加須利

丙辰二十年和漢年契詔攻高麗

丁巳順帝昇二十一年和漢年契春三月立百濟加須利王弟汶州

爲百濟王賜久麻那利地

宋書倭國傳興死弟武立自稱使持節都督倭百濟新羅任那加羅秦韓慕韓七國諸軍事安東大將軍倭國王

梁書倭國傳興死立弟武

宋書順帝紀昇明元年倭國遣使獻方物

戊午二十二年和漢年契立皇太子

宋書順帝紀昇明二年倭國王武遣使獻方物以武爲安東大將軍

宋書倭國傳順帝昇明二年遣使上表曰封國偏遠作藩於外

自昔祖禰躬擐甲冑跋涉山川不遑寧處東征毛人五十五國

西服眾夷六十六國渡平海北九十五國王道融泰廓土遐畿

累葉明宗下意於戎臣雖下無道圖欲見石拔劍邊禁戍盛不

已每致稽滯以失良風雖曰進路或通或不臣亡考濟實忿寇

讎壅塞天路控弦百萬義聲感激方欲大舉奄喪父兄使垂成

之功不獲一簣居在諒闇不動兵甲是以偃息未捷至今欲練

甲治兵申父兄之志義士虎賁文武效功白刃交前亦所不顧

若以帝德覆載摧此疆敵克靖方難無替前功竊自假開府儀

同三司其餘咸假授以勸忠節詔除武使持節都督倭新羅任

那加羅秦韓慕韓六國諸軍事安東大將軍倭王

己齊高帝未建元元

二十三年日本史夏四月百濟王汶州卒天皇召諭昆

支王第二子末多使歸王其國賜以兵器使筑紫軍士五百人衛

送之筑紫安致臣馬飼臣等率舟師擊高麗秋八月天皇崩於大

殿年六十二天皇性好殺百濟采女池津媛與石河楯姦執二人

縛手足於木燒殺之獵御馬瀨大獲鳥獸顧問羣臣曰獵場之樂使膳夫割鮮孰與自割羣臣莫能對天皇怒手斬御者大津馬飼見者震慄菟田人所畜狗齧鳥官之禽天皇怒黥其人為鳥養部時信濃武藏直丁相謂曰我鄉多鳥積於上陵何以一鳥之故黥人乎天皇聞而聚禽示之直丁不能遽辨并為鳥養部其嚴峻如此逮末年畱心政事國家無為葬河內丹比高鷲原陵又后草香幡梭即履中后妃葛城韓媛大臣葛城媛女吉備稚媛吉備田童女君春日日和女子三葛城韓媛生清寧帝吉備稚媛生磐城皇子星川稚宮皇子童女君生春日大娘皇后

南齊倭國傳建元元年進新除使持節都督倭新羅任那加羅

秦韓六國諸軍事安東大將軍倭王武號為領東大將軍六國上尊

慕韓秦言倭國傳齊建元中陳武封官皆倭新羅任那加羅秦韓

韓六國諸軍事鎮東大將軍

清寧天皇

唐書日本傳次清寧

宋史日本傳次清寧天皇年代紀

日本史清寧天皇諱白髮長廣國押稚日本根子雄略第三子也

母妃葛城韓媛天皇生而白髮帝特異重之二十二年立為皇太

子二十三年雄略崩星川皇子謀不軌據大藏大連大伴室屋與

東漢搦討而平之並殺磐城皇子

庚二元年日本史春正月命有司設壇場於磐余獲栗即天皇位

遂都焉時年三十七尊葛城韓媛曰皇太夫人冬十月葬雄略

辛三二年日本史天皇憂無子冬十一月播磨國司伊與來目部

小楯奏市邊押磐皇子二子億計王宏計王在赤石郡縮見屯倉首忍海部細目家天皇大喜使小楯持節迎之

壬四三年日本史春正月小楯奉億計王宏計王至攝津使臣連

持節以王青蓋車迎入宮中夏四月立億計王為皇太子以宏計

王為皇子秋九月遣臣連於諸國巡省風俗冬十月詔罷獻犬馬

器玩

癸武帝永四年日本史夏閏五月大酺五日秋八月親錄囚徒蝦

夷隼人內附

甲二五年日本史春正月天皇崩於寶栗宮年四十二葬河內坂

門原陵

顯宗天皇

日本書紀日本傳顯宗天皇紀

日本史顯宗天皇諱來目稚子初稱宏計王履中帝孫市邊押磐

皇子第二子也母美媛初雄略之殺押磐皇子也皇子帳內曰下

部使主與其子吾田彥奉天皇及母兄億計王避難於丹波余社

郡使主變名曰田疾來恐見殺逃入播磨縮見山石室自縊天皇

與億計王向播磨赤石郡為縮見屯倉首忍海部細目家僮俱稱

丹波小子吾田彥隨從不去固執臣禮清寧二年十一月播磨國

司伊與來目部小楯徵新嘗供物至赤石郡宴細目家天皇謂億

計王曰避亂於斯年踰數紀顯名著貴方在今夕億計王惻然曰

自贊見害孰與隱忍全身天皇曰久苦廝役寧顯揚大名而死乎

兄弟相持而泣億計王曰此事非弟不能濟天皇從之細目命二

王秉燭夜深酒酣使家人起舞舞畢細目謂小楯曰僕見此秉燭

者先人而後己恭敬退讓可謂君子於是小楯撫絃使二王起舞兄弟相讓久之小楯責曰何不速舞億計王先起而舞既而天皇起整衣帶作殊舞本書注殊舞謂之立出舞立出讀云陀豆謂乍起乍居而舞也而歌自言其名小楯大驚離席再拜率其屬承事供給發郡民造宮處之還奏

其狀帝大喜與大臣大連定策迎入宮中立億計王為皇太子天皇為皇子五年清寧崩皇太子讓位於天皇天皇固辭不從於是飯豐清皇女自稱忍海飯豐青尊聽政忍海角刺宮十一月葬清寧是月飯豐青尊薨十二月百官大會於廷皇太子執璽置天皇前再拜退就臣位曰夫帝位有功者居之今日皆弟功也天皇固辭皇太子曰白髮天皇所以屬天下於我者徒以我居長之故弟謀脫家難彰顯帝孫措紳忻戴黔首歸心我雖是兄實無功德非據而據咎悔必在惟弟壯讓為計百官為小其言既陳遂於天皇不得已許之而老連等為

乙丑元年日本史春正月大臣大連等奏請天皇踐阼於是即位母兄億計仍為皇太子是月立難波小野為皇后赦天下大臣平羣真鳥大連大伴室屋如故二月詔曰先王遭離多難殞命荒野朕在幼年亡逃自匿猥遇推求忝續大業廣求御骨莫能知者因與皇太子哭泣憤惋不能自勝召聚父老親臨歷問有一老嫗知其所於是行幸近江來田綿蚊屋野改葬押磐皇子

丙寅二年日本史三月上巳幸後苑始設曲水宴夏四月召前播磨國司來目部小楯優詔褒其功因授山官改賜姓山部連以吉備臣為副

丁卯五年日本史夏四月天皇崩於八鈞宮年三十八葬傍岳磐坏巨陵天皇久在民間知百姓疾苦及登天位畱心政事賑恤孤

寡屏省徭役每見枉屈若納溝隍不數年而百姓殷富天下乂安
歲又比稔穀斛銀錢一文牛馬被野又后難波小野磐城王孫王稚子王女

仁賢天皇

唐書日本傳次仁賢

宋史日本傳次仁賢天皇年代

日本史仁賢天皇諱大脚字島郎顯宗母兄也初稱億計王避難

於丹波播磨之間語在顯宗紀清寧二年召至京師明年立為皇

太子清寧崩仍為皇太子三年四月顯宗崩

戊六元年日本史春正月即位於石上廣高宮時年四十一大臣

平羣真鳥大連大伴室屋如故二月立妃春日大娘為皇后雄略

女也冬十月葬顯宗

己七二年日本史秋九月詔改元

辛九四年

壬十五年

癸十一六年

甲明帝建七年日本史春正月立皇太子

乙武元八年和漢年契大有年

丙三九年

丁四十年

戊永泰十一年日本史秋八月天皇崩於正寢葬河內埴生坂陵

初顯宗即位謂天皇曰先王無罪而大泊瀨天皇殺之棄骨郊野

至今未獲憤歎盈懷臥泣行號志雪讎恥吾聞父之讎弗與其戴

天夫匹夫有父母之讎者遇諸市朝不反兵而鬪况吾既為天子

今欲發其陵碎其骨以報之不亦可乎天皇泣諫曰大泊瀨天皇躬綜萬機照臨天下先王雖為皇胤遭遇迍邐不登天位以此觀之尊卑分定而忍壞陵墓何以奉天之靈其不可一也陛下與億計其蒙白髮天皇殊恩以至於此大泊瀨天皇非其父乎億計聞無言不酬無德不報陛下饗國德行廣聞而以此見於華裔恐非在國子民之道其不可二也顯宗嘉從焉天皇幼而聰敏仁惠謙恕在位之間吏稱其官民安其業戶口蕃殖海內歸仁又后春日大娘雄略生手白香皇后橘仲皇后武烈帝妃糠君娘和珥日瓜女春日山田皇后

武烈天皇

唐書日本傳次武烈

日本史武烈天皇詔八海濱和魚類仁賢十七世春日大娘

仁賢七年立為皇太子十一年八月仁賢崩大臣平羣真鳥驕橫擅政潛謀篡奪其子鮪無禮於皇太子皇太子與大伴金村謀金村將兵誅鮪十月葬仁賢十一月金村遂誅真鳥十二月即位於泊瀨列城遂都焉以金村為大連

己廢帝永元年日本史春三月立春日娘子為皇后不詳所出

庚辰二年

辛和帝中三年

壬梁武帝四年日本史百濟王末多無道國人廢之立島為王

午天監元年梁書武帝紀天監元年倭王武進號征東將軍

梁書倭國傳高祖即位進武號征東將軍

隋書倭國傳自魏至於齊梁代與中國相通

癸二 五年

甲三 六年日本史冬十月百濟人貢天皇以其久闕貢拘留其使

乙四 七年

丙五 八年日本史冬十月天皇崩於列城宮葬傍巨磐坏陵天皇

好刑理法令分明日晏坐朝幽枉必達斷獄得情然性忍酷好殺
凡諸慘刑皆自臨視劊孕婦觀其胎解人指甲拔人頭髮使之上
樹而伐仆其樹或射墜之為快承隆平之餘百姓殷富於是大極
奢侈錦繡為席綺紈為衣造作苑囿陂池多畜禽獸驅馬走狗出
入無時不避風雨又集侏儒倡優縱作淫樂嬉戲日夜與宮人沈
湎於酒民大苦之日本國志自崇神至武烈凡十七世六百有六年

繼體天皇

日本史繼體天皇諱男大迹應神五世孫也父彥主人王子居近

江三尾別業聘三國坂中井人某女振媛為妃生天皇幼孤從振
媛鞠養於高向武烈崩無嗣時仲哀五世孫倭彥王潛居丹波桑
田郡大連大伴金村定議迎之倭彥王望見儀衛甚嚴大懼逃匿
丁六 元年日本史春正月大伴金村更議曰男大迹王慈仁孝順
可承天緒大連物部麤鹿火大臣巨勢男人等皆從其議乃遣臣
連等持節備法駕迎天皇於三國天皇據胡牀自若齊列侍臣儼
如帝坐持節使等望視其尊嚴內甚嚮之天皇猶豫未就道會河
內馬飼荒籠者潛遣人具告大連奉迎之義天皇意決遂發歎曰
微荒籠我其取嗤於天下及踐阼厚加寵待二月至樟葉宮大連
大伴金村跪上鏡劔璽符天皇辭讓再三金村伏地固請天皇許

之即位時年五十八大連大伴金村物部麤鹿火大臣巨勢男人
並如故三月立手白香皇女爲皇后詔曰朕聞一夫不耕則天下
或受其飢一婦不織則天下或受其寒是故帝王躬耕以勸農業
后妃親蠶以勸女工況在羣寮百姓廢棄農績能致殷富乎有司
普告天下令識朕意

戊七 二年日本史冬十月葬武烈欽明天皇生

己八 三年

庚九 四年

辛十 五年日本史冬十月遷都山背筒城

壬十一 六年

癸十二 七年日本史夏六月百濟貢五經博士段楊爾奏伴跋國侵

奪己汶之地冬十一月召贈百濟新羅已汶是地及諸百濟國事

太子

甲十八 八年日本史伴跋築城備我侵掠新羅

乙十九 九年日本史春二月使物部連送百濟使夏四月伴跋出兵

未四 十年日本史春二月使物部連送百濟使夏四月伴跋出兵

遮物部連於帶沙江大行劫掠物部連僅免

丙五 十年日本史秋九月百濟遣其將軍州利即爾送物部連且

謝賜已汶之地貢五經博士漢高安茂請代段楊爾聽之

丁六 十一年

戊七 十二年日本史春二月遷都山背弟國郡

己八 十三年

庚普通 十四年

辛元 十五年

壬二 十五年

壬三 十六年 和漢年契 梁司馬達來

癸四 十七年 日本史 百濟王武寧卒

甲五 十八年 日本史 春正月 百濟王明立

乙六 十九年

丙七 二十年 日本史 秋九月 遷都於磐余 號玉穗宮

丁大通 二十一年 日本史 夏六月 使近江毛野率眾六萬 往任那

復新羅所侵 故地 築紫國 造磐井 叛據火豐二國 與新羅通謀 拒

毛野秋八月 詔以大連物部麤鹿火為大將軍討之

戊二 二十二年 日本史 冬十一月 大將軍物部麤鹿火擊磐井破

之磐井 伏誅 築紫悉定

己中大 二十三年 日本史 春三月 百濟請以加羅多沙津為朝貢

路許之 遣物部尹勢父根吉上老等 以津屬百濟 和羅王 嚙之 遣

近江毛野於安羅 和解 諸蕃夏四月 任那王 百濟 和羅王 嚙之 遣

訴新羅背約 侵掠 遣使護送 已能末多 平岐 敕近江毛野和 解二

國

庚二 二十四年 日本史 春二月 詔舉廉節之士

亥三 二十五年 日本史 春二月 天皇疾 傳位皇太子 是日崩於玉

穗宮 年八十二 葬藍野陵 又后手白香 女仁賢 日子媛 尾張草 稚子

媛 三尾角 折君妹 廣媛 坂田大 跨女王 麻績娘子 息長真 手王女 關媛 茨田小 望女 倭媛 三尾 堅城

女 蕙媛 和珥河 內女 廣媛 根王 女 子八手白香 生欽明帝 日子媛 生安間

帝 宣化帝 稚子媛 生太郎皇子 倭媛 生椀子皇子 蕙媛 生厚皇子

廣媛 生兔皇子 中皇子

壬四 和漢年契 虛位

癸五 和漢年契 虛位

安間

安間天皇

唐書日本傳次安間

宋書日本傳次安間天皇年代紀

日本史安間天皇諱廣武押武金日初稱勾大兄皇子繼體庶長子也母妃日子媛繼體七年立為皇太子二十五年二月繼體傳位皇太子皇太子即位時年六十八是日繼體崩大連大伴金村物部麤鹿火如故冬十二月葬繼體

甲六元年日本史春正月遷都於倭勾金橋因為宮號三月立妃

春日山田皇女為皇后夏五月百濟來貢閏十二月行幸三島

乙大同二年日本史春正月天下大酺五日冬十二月天皇崩於

勾金橋宮年七十葬河內舊市高屋巨陵又后春日山田仁賢妃

紗手媛大臣許勢香香有媛紗手大連物部那宣化天皇

唐書日本傳次宣化

宋史日本傳次宣化天皇年代紀

日本史宣化天皇諱武小廣國押盾初稱檜隈高田皇子繼體第二子安間母弟也二年十二月安間崩無嗣羣臣請即天皇位時年六十九大連大伴金村物部麤鹿火如故是月葬安間

丙二元年日本史春正月遷都檜隈廬入野因為宮號三月立橘

仲皇女為皇后秋七月大連物部麤鹿火薨

丁三二年日本史新羅寇任那遣兵救任那

戊四三年

己五四年日本史春二月天皇崩於檜隈廬入野宮年七十三葬

桃花島坂上陵又后橘仲仁賢女生石姬皇太后殖葉皇子妃大河

內稚子媛生火焰皇子

欽明天皇

唐書日本傳次欽明

宋史日本傳次天國排開廣庭天皇亦名欽明天皇年代

日本史欽明天皇諱天國排開廣庭繼體嫡子也母手白香皇后

帝愛之常居左右宣化四年二月帝崩羣臣胥議奉天皇承續大

統十一月葬宣化十二月卽位尊皇后曰皇太后大連大伴金村

物部尾輿大臣蘇我稻日並如故

庚六元年和漢年契春正月以石姬皇女爲皇后秋七月遷都大

和磯城島號金刺宮

辛七西元二年和漢年契下詔百濟興復任那

壬八三年

亥甲十五年和漢年契百濟上表陳復任那之策

乙丑十六年日本史高麗大亂

丙寅中大元七年

丁卯大清元八年

戊辰二九年

己巳三十年

庚簡文帝大寶元十一年

辛未十二年和漢年契賜麥種千斛於百濟是歲百濟王率其眾

及新羅任那兵伐高麗取漢城平壤復六郡故地

壬元帝承聖元十三年

唐書日本傳欽明之十一年直梁承聖元年

宋史日本傳卽位十一年壬申歲始傳佛法於百濟國當此土梁

承聖元年年代紀

案以和漢年契日本史覈之壬申實欽明十三年也唐書宋史

一當爲三

日本史夏四月高麗與新羅謀滅百濟任那冬十月百濟王明遣使獻金銅釋迦佛像及幡蓋經論上表讚述佛功德天皇疑其可禮否下議羣臣蘇我稻日奏宜禮之物部尾與中臣鎌子俱奏不宜禮天皇從之仍賜佛像於稻日稻日捨向原家爲寺是時諸國大疫久而愈甚尾與鎌子奏疫疾之起實佛之所致宜屏棄其像以絕禍原求後福詔許之乃命有司投佛像於難波堀江縱火燒伽藍是日大殿災是歲百濟棄漢城平壤新羅人居漢城

癸二十四年日本史春正月百濟遣使來請復命二月河內信等二

漢海大鳴而有光刺清邊直方海見之乃獲極復命二月河內信等
軀六月許百濟援兵賜船馬弓矢敕使醫博士易博士麻博士遞番往來秋七月行幸樟勾宮冬十月百濟王子餘昌與高麗戰大破之

甲三十五年日本史春正月立皇太子二月百濟又遣使乞援夏五月遣內臣率舟師如百濟俱伐新羅冬十二月攻新羅函山城拔之百濟王上表奏捷獻其虜獲并好錦毼毼及斧三百口是月

百濟王明爲新羅所殺

乙敬帝紹十六年日本史春二月百濟王子餘昌使其弟惠來告

哀天皇聞而傷之遣使尉問

丙太平十七年

丁陳武帝十八年日本史春三月百濟王餘昌立

戊二十九

乙卯三十年

庚文帝天二十二年日本史秋九月新羅遣使貢調饗賜超例

辰嘉元二十三年日本史春正月新羅滅任那夏六月下詔諭勵任

那臣民經略興復秋七月新羅貢調使至會新羅滅任那使者懼

不敢歸卽編河內更荒郡爲民遣大將軍紀男麻呂副將河邊瓊

缶討新羅新羅拒戰男麻呂擊破之瓊缶輕進失利爲新羅所虜

調伊企儼死之八月遣大將軍大伴狹手彥率兵數萬伐高麗大

破之獲婦女寶貨而歸吳人智聰齋儒釋方書明堂圖等百六十

四卷佛像樂器相隨俱來冬十一月新羅入貢使人又留而不歸

癸未二十四年

甲五二十五

丙天康二十七年

丁帝伯宗二十八年日本史郡國大水饑人相食詔賑給之

戊子二十九

己宣帝大三十年

庚二三十一年日本史春三月大臣蘇我稻日薨夏四月幸泊瀨

柴籬宮

卯三三十二年日本史春三月遣坂田耳子郎君於新羅責問滅

任那夏四月天皇不豫執皇太子手曰朕病甚以後事屬汝汝須

征新羅封任那朕死無恨是日崩於金刺宮九月葬檜隈坂合陵

天皇幼時夢有人曰天皇能寵遇秦大津父者必有天下既寤使

人旁求四方得之山背紀伊郡深草里天皇大喜命近侍左右恩

寵日渥至踐阼拜大藏省天皇在位天下大風雨卜之賀茂神爲
崇乃涓四月吉日祭之於是穀稼豐熟賀茂祭始於此又后石姬
妃倉稚綾姬日影皇女俱宣化女堅鹽媛大臣蘇我稻目女小姉君同糠子春日
日女子十七后生箭田珠勝大兄皇子敏達帝倉稚綾姬生石上
皇子日影生倉皇子堅鹽媛生用明帝臘背鳥皇子推古帝梳子
皇子石上部皇子山背皇子櫻井皇子橘本稚皇子小姉君生茨
城皇子葛城皇子渥部穴穗部皇子崇峻帝及穴穗部間人皇后
糠子生橘麻呂皇子

敏達天皇

唐書日本傳次敏達案敏一作海誤

宋史日本傳次敏達天皇年代

日本史敏達天皇次月第三子也律唐神鏡賦麻敷世勳

壬辰 元年日本史夏四月卽位移宮於百濟大井尊皇后曰皇太后大連物部弓削守屋如故以蘇我馬子爲大臣

癸巳 二年

甲午 三年日本史新羅入貢

乙未 四年日本史春正月立廣姬爲皇后二月百濟貢調數倍常

年天皇以任那未復爲憂詔諸皇子大臣計議夏六月新羅貢調數益常例并獻多多羅須奈羅和陀發鬼四邑之調冬十一月皇

后崩

丙申 五年和漢年契遷都於譯語田號幸玉宮立豐御食炊屋姬

爲皇后廐戶皇子喜誦論語重聖教

丁酉 六年日本史冬十一月百濟王獻經論若干卷并律師禪師

比丘尼呪禁師佛工寺工詔置之難波大別王寺

戊十七年

己十八年日本史冬十月新羅貢調并獻佛像

庚十九年日本史夏六月新羅貢調卻之

辛三十年日本史春閏二月蝦夷數千寇邊境召其魁帥綾糟等

責之綾糟等大恐謝罪誓不復叛

壬四十年日本史冬十月新羅貢調又卻之

癸後主至十二年

甲二十三年日本史秋九月鹿深臣佐伯連至自百濟各齎佛像

一軀來蘇我馬子造殿安之佛法自茲瀰漫

乙三十四年日本史春二月疫疾流行民多死三月大連物部弓

削守屋大夫中亞勝海奏言佛法興行疫疾愈甚請嚴禁新其法

田耳子王為使會天皇及大連守屋患瘡不果於是詔皇弟橘豐

日皇子曰宜奉先皇遺敕以復任那為事時京師患瘡死者甚多

民間譎言燒佛像所致夏六月馬子因病請奉三寶天皇素好文

史不信佛法詔馬子曰汝獨為之勿惑他人秋八月天皇崩於大

殿起殯宮於廣瀨年四十八崇峻四年葬磯長陵又后二廣姬息

眞手額田部欽明夫人老女君春日仲兔名子伊勢大鹿子六廣

姬生押坂彥人大兄皇子額田部生竹田皇子尾張皇女後為推

古帝老女君生難波皇子春日皇子大派皇子

用明天皇

唐書日本傳次用明亦曰日多利思比孤直隋開皇末始與中國

通

案崇峻直開皇末用明不直也此記載之誤

宋史日本傳次用明天皇年代紀

日本史用明天皇諱橋豐日初稱大兄皇子欽明第四子也母堅鹽媛天皇尊神道信佛法敏達十四年八月崩九月天皇即位都於磐余號池邊雙槻宮大臣蘇我馬子大連物部弓削守屋並如故

丙四元年日本史春正月立穴穗部間人皇女為皇后夏五月穴

穗部皇子殺三輪逆穴穗部欽明子也敏達崩穴穗部竊懷覬覦時羣臣悉集殯宮穴穗部發憤言曰何故事死王之庭而不朝生王之所既而用明即位穴穗部陰謀弗軌元年五月欲烝炊屋姬皇后強入殯宮三輪逆麾兵衛鎖門不內穴穗部問曰何人在此

兵衛答曰三輪君逆在焉穴穗部叱呼不聞門於是謂大臣蘇我馬子大連物部守屋曰逆屢無禮余欲觀殯宮拒而不入也蘇我應願斬之二人共曰唯命穴穗部素與守屋善便俱率兵圍磐余池邊逆知之逃於三諸岳夜半出山潛匿炊屋姬皇后別宮海石槌市為族人白隄橫山所告穴穗部復遣守屋擊逆及其二子殺之

丁禎明二年日本史夏四月新嘗於磐余河上天皇得病還宮詔未元

羣臣曰朕欲歸三寶卿等議之物部守屋中臣勝海奏佛番神不足敬蘇我馬子贊成詔旨引僧入宮於是守屋馬子怨隙滋甚馬子潛集兵守屋勝海亦聚兵自守迹見赤禱殺勝海天皇患瘡大漸崩於大殿葬磐余池上陵推古帝元年改葬河內磯長陵又后

穴穗部間人欽明嬪石寸名大臣蘇我廣子葛城磐子六后生廐

戶皇子來日皇子殖粟皇子茨田皇子石寸名生田日皇子廣子

生麻呂子皇子

宋史日本傳有子曰聖德太子年三歲聞十人語同時解之七歲

悟佛法於菩提寺講聖鬘經天雨曼陀羅華當此土隋開皇中遣

使泛海至中國求法華經年代紀日本史聖德太子廐戶后娠時

因名廐戶生而能言有聖智年數歲與諸皇子集於宮中相戲口

關帝聞取答而起諸皇子皆走避太子獨袒而進帝曰汝何爾耶

對曰天不可階而升地不可穴而藏所以進受答也帝異之稍長

好讀書性最聰敏兼聽十人訴事略無違錯帝愛之居之宮南上

殿因號曰上宮廐戶豐聰耳皇子太子好釋教博覽典籍固不好佛謂

我馬子亦信佛敏達十四年馬子請祭異域之神為之如何太子曰諸

佛之道諸神亦不敢違今馬子請祭異域之神為之如何太子曰諸

馬子請祭異域之神為之如何太子曰諸佛與行佛法所致於是帝下詔燒祠宇佛像太子屋中臣勝海奏馬

所為是歲帝崩用明即位二年患瘡彌留太子晝夜侍側祈請三

寶口不絕響帝因欲歸佛而先是天子未曾禮佛是以召羣臣會

議守屋勝海極陳不可馬子曰唯詔之從乃引豐國法師於宮中

太子握馬子手垂涕曰三寶妙理人不知識妄生異議今大臣歸

心於福田何喜如之馬子叩頭曰賴殿下聖德興隆佛法臣死之

子使舍人迹見赤袴陰殺勝海帝大漸與太子誓造寺及藥師佛

像以禱疾瘳既而帝崩時繼嗣未定守屋欲立穴穗部皇子馬子

先遣兵攻穴穗部太子束髮於額身隨軍後守屋兵強太子自度非

假佛力不能克乃以白膠木作四天王像實於頂髮中發誓曰今

若使我勝敵當為護世四王期建寺塔既而守屋敗死太子乃建

寺安四天王像收守屋奴婢資財田宅悉施捨焉分田一萬頃賞

赤禱崇峻立惡馬子驕暴密謂太子曰馬子誠驕臣也惟陛下忍

焉帝剛腸嫉惡時有忿言馬子聞而懼密圖不軌太子處其間兩

知其計而不能匡濟隱忍累日帝遂以弒密圖太子聞而益憎之太子亦曰

報也馬子後捕行弒者東漢駒數罪殺之天下益憎之太子亦曰

雖有此誅弒君之名千載不能雪矣然復翻卑附之無敢與太子攝

政以萬機委焉二年詔太子及馬子興隆佛法於是諸臣連等競

造塔寺三年高麗僧慧慈來太子師之從受五戒做浮屠號自命

曰勝鬘十一年太子始制冠位十二階明年制憲法十七條一曰

以和為貴無忤為宗二曰篤敬三寶三曰承詔必謹四曰臣卿各

察以禮為本五曰絕贅棄欲明辨訟六曰懲惡勸善七曰人各

有任掌宜不濫入日羣卿百寮早朝晏退九曰信是義本十曰絕

忿棄瞋不怒人違十一日明察功過賞罰必當十二曰國司國造

勿斂百姓十三日背私向公十六日使民以時十七日事不獨斷必與眾

姤十五曰背私向公十六日使民以時十七日事不獨斷必與眾

論十四年帝令太子講勝鬘法華二經引諸名僧於前論問太子
法服升法座揮塵尾酬應帝嘉之詔賜播磨水田一百町太子嘗
疑法華經有脫字欲得全經十五年奏請使大禮小野妹子聘於
隋其書皆太子之詞也明年妹子獲經而歸十九年五月帝將幸
菟田觀野人逐獸太子諫曰佛教五戒一為不殺生儒之所謂仁
也願陛下永斷此事帝納之自是每歲以此日采藥名曰藥獵二
十二年馬子疾太子奏為馬子度僧尼千人二十五年帝令太子
重講勝鬘經馬子因讚揚太子功德請賞其勞帝大喜益太子湯
沐邑加給東宮俸二倍於常式太子皆施之其所勅寺二十八
與馬子撰天皇記國記及臣連伴造百八十部公本記二十九
年先是太子疾帝使田村皇子視疾且問所欲言太子便附田
皇年報奏而其所言不過紹興佛法造修伽藍事二月薨於班鳩
宮年四十九葬磯長陵天下莫不哀惜哭泣之聲滿行路踰月不
絕世傳太子生也身有異香手拳不啟二歲二月東向稱南無佛
自啟手出佛舍利云及長常修梵行嘗遊片岡山視飢者問其姓
名不言太子命與飲食自解衣覆之明日遣人視之已死乃棺斂
葬其所後數日太子謂左右曰前日飢者是眞人也復遣人開墓
視之棺中唯有衣時人甚驚異焉初欽明十三年百濟始獻佛像
經論帝疑之未信歷問羣臣蘇我稻目最先信道物部尾與中臣
鎌子執正議排之法廢不行及太子與馬子相得而其道始熾不
數十年寺四十六所僧尼千三百八十餘人太子所建寺曰四天
王法隆中宮橘樹蜂岡池後葛城元興日向定林法興所著有勝
鬘維摩法華經疏號曰上宮疏皆得

案廢戶太子主持佛法遂成齋我馬子之儼又兼君之言附
國賊所謂聖德安在此彼土僧徒感其崇奉之力飾爲虛美耳

崇峻天皇

唐書日本傳次崇峻

宋史日本傳次崇峻天皇紀年代

日本史崇峻天皇欽明第十二子也諱泊瀨部母小姉君用明崩
繼嗣未定大連物部守屋欲立穴穗部皇子六月大臣蘇我馬子
奉炊屋姬皇后詔使佐伯丹經手土師磐村的眞嚙殺穴穗部皇
子宅部皇子七月馬子與天皇及諸皇子羣臣率軍攻守屋大戰
敗之跡見赤檮射殺守屋賜田萬頃葬用明八月炊屋姬皇后與
羣臣定策奉天皇卽位大臣蘇我馬子如故
戊二和漢年契元年遷都於倉梯號紫垣宮春三月立大伴康手
申

連之女小手子爲妃冬十月大臣馬子造元興寺

己隋開西皇九二年和漢年契遣使於諸道觀察國境

庚十三年

亥一十四年日本史夏四月葬敏達詔羣臣議封任那冬十一月以

紀男麻呂巨勢比良夫狹臣大伴嚙葛城烏柰良爲大將軍復任

那率兵二萬餘屯筑紫

壬二十五年日本史冬十月人或獻山豬天皇指之曰何當斬朕所

惡之人如斷此豬頭因多備兵仗大臣馬子聞而懼十一月天皇

暴崩葬倉梯岡陵又妃小手子大伴糠手女子一蜂子皇子

推古天皇

唐書日本傳崇峻死欽明之孫女推古立

宋史日本傳欽明天皇飲明天皇孫女也年代

日本史推古天皇諱豐德食炊屋姬母稱額日部皇女欽明女月

明同母妹也年十八爲敏達后崇峻五年十一月崇峻崩羣臣請

皇后踐阼皇后辭讓百寮勸進至三乃從十二月卽位於豐浦宮

時年四十大臣蘇我馬子如故

癸三十三年和漢年契夏四月立廢戶皇子爲太子攝政太子建天

王寺九月改葬用明於河內科長陵

甲四十二年和漢年契詔興隆佛教於是羣臣競造佛寺

乙五十二年和漢年契將軍紀男麻呂等至白筑紫高麗僧惠慈百

濟僧惠聰來朝太子師之

丙六十四年和漢年契法興寺成

丁七十五年和漢年契百濟來貢

戊十六年

己十七年和漢年契百濟貢橐駝驢羊白雉

庚十八年日本史春二月新羅與任那戰詔以境部臣為大將軍
穗積臣為副將軍將萬餘眾救任那大破新羅兵拔其五城新羅
割地乞降天皇復遣使新羅任那檢問其狀於是二國貢調誓以
寢兵每歲必朝因召還諸將比至新羅又侵任那

隋書倭國傳開皇二十年倭王姓阿每字多利思北孤號阿輩雞
彌遣使詣闕

宋史日本傳案隋開皇二十年倭王姓阿每名自多利思比孤遣
使致書自字誤衍北
比未知孰是

辛仁壽九年日本史夏五月大雨河水汎濫

壬二十年日本史春二月以來日皇子為征新羅將軍率兵討新

夏六月來日皇子丙不果行冬十月百濟曾親劫來獻赤木及
天文地理遁甲方術等書敕選書生受業

癸三十一年日本史春二月來日皇子薨於筑紫夏四月以當麻

皇子為征新羅將軍會妻喪不果冬十月天皇遷居小墾田宮十

二月始定冠位十二階曰大德小德大仁小仁大禮小禮
大信小信大義小義大智小智

甲四十二年日本史春正月賜冠位於諸臣有差夏四月皇太后

撰憲法十七條秋九月改制朝禮

乙煬帝大十三年日本史夏四月詔皇太子及羣臣同發誓願始

造銅繡丈六佛像各一以鞍作鳥為佛工高麗王大興聞之獻黃

金三百兩秋閏七月皇太子命諸王諸臣著裙

丙十四年日本史夏四月安丈六銅佛於元興寺設齋自是以

四月八日七月十五日為諸寺齋會每歲以為常秋七月令皇太

子講勝鬘經

丁卯三十五年日本史春二月詔祭神祇秋七月遣大禮小野妹子於隋冬作倭高市池藤原池肩岡池菅原池山背栗隈溝河內戶苅池依網池每國置屯倉

隋書倭國傳大業三年其王多利思北孤遣使朝貢使者曰聞海西菩薩天子重興佛法故遣朝拜兼沙門數十人來學佛法其國書曰日出處天子致書日沒處天子無恙云云帝覽之不悅謂鴻臚卿曰蠻夷書有無禮者勿復以聞

隋書煬帝紀大業四年倭國遣貢方物

案據倭國傳四年當作三年

戊辰四十六年日本史夏四月小野妹子還自隋隋使裴世清從妹子

津以飾船三十艘迎入新館以中臣官池島羅若木餉餉進於滿

王平為掌客秋八月世清入京遣額田部比羅若木餉餉進於滿

石榴市世清詣關奉其國書及信物饗世清等於朝九月又饗於

難波世清等歸復以妹子為大使難波雄成為小使聘於隋

隋書倭國傳明年上遣文林郎裴清使於倭國度百濟行至竹島

南望舩羅國經都斯麻國迴在大海中又東至一支國又至竹斯

國又東至秦王國其人同於華夏以為夷洲疑不能明也又經十

餘國達於海岸自竹斯國以東皆附庸於倭倭王遣小德阿輩臺

即難波雄成譯音從數百人設儀仗鳴鼓角來迎後十日又遣大禮哥多

毗從二百餘騎郊勞既至彼都其王與清相見大悅曰我聞海西

有大隋禮義之國故遣朝貢我夷人僻在海隅不聞禮義是以稽

畱境內不即相見今故清道飾館以待大使冀聞大國惟新之化

清荅曰皇帝德並二儀澤流四海以王慕化故遣行人來此宣諭

既而引清就館其後清遣人謂其王曰朝命既達請即戒塗於是設宴享以遣清復令使者隨清來貢方物此後遂絕

宋史日本傳自後漢始朝貢歷魏晉宋隋皆來貢

己五十七年日本史秋九月小野妹子等還自隋

庚六十八年日本史春三月高麗貢僧曇徵法定冬十月新羅任

那朝貢

辛七十九年日本史夏五月藥獵於菟田野秋八月新羅任那朝

貢

壬八二十年日本史春正月置酒宴羣臣夏五月藥獵於羽田

癸九二十一年日本史冬十一月作掖上畝傍和珥三池難波達

京大開道路和漢年契建達磨寺

甲十二十二年日本史夏五月藥獵六月遣犬上御田秋天田部

乙十一二十三年日本史秋九月御田歙等還自隋

丙十二二十四年日本史春正月桃李實秋七月新羅貢佛像

丁恭帝義二十五年

戊唐高祖二十六年日本史秋八月高麗貢調因獻隋俘及橐駝

器物

己二十七年

庚三二十八年日本史冬十二月赤氣長丈餘巨天形似雞尾是

歲皇太子與大臣蘇我馬子議撰天皇記及國記臣連伴造國造

百八十部公民等本記

辛四二十九年日本史春二月皇太子薨冬十二月穴穗部聞人

皇后崩是歲新羅貢調

壬午 三十年

癸未 三十一年日本史秋七月新羅任那貢調獻佛像金塔舍利

大小幡等以佛像置葛野秦寺其餘納四天王寺唐僧慧齊慧光

醫慧日福因等從新羅使來新羅復擊任那取之天皇召羣臣議

討新羅乃遣難波磐金於新羅吉士倉下於任那察問其狀更以

大德境部雄麻呂小德中臣國為大將軍小德河邊彌受物部依

網乙等波多廣庭近江脚身飯蓋平羣宇志大伴連大宅軍為副

將軍率兵數萬討新羅新羅恐怖請罪釋之冬十一月磐金等至

自新羅是歲霖雨大水五穀不登

甲申 三十二年日本史夏四月有僧執斧毆祖父天皇召大臣議

將處重科召諸寺僧尼推問將并坐之百濟僧觀勒上表請獨罪

其犯惡逆者而赦其餘聽之詔曰夫僧尚也法可以誨俗自今以

後宜置僧正僧都檢校僧尼以觀勒為僧正觀勒作部德積為僧都

阿曇連為法頭秋九月校佛寺僧尼具錄造寺入道之緣得度之

年月日冬十月蘇我馬子奏請賜葛城縣為封戶不聽

乙酉 三十三年日本史春正月高麗貢僧慧灌

丙戌 三十四年日本史春正月桃李華隕霜夏五月大臣蘇我馬

子薨六月雪三月至七月霖雨天下大饑盜賊蜂起以蘇我蝦夷

為大臣

丁亥 太宗貞 三十五年日本史夏五月有蠅聚集可十丈音如雷越

信濃坂東至上野而散

戊子 三十六年日本史春三月天皇崩於小墾田宮年七十五遺

詔曰比年五穀不登百姓大飢勿起山陵厚葬當就竹田皇子塋

葬之四月雨雹大如桃子春夏連旱九月葬竹田陵

舒明天皇

唐書日本傳次舒明

宋史日本傳次舒明天皇年代紀

日本史舒明天皇諱息長足日廣額初稱田村皇子押坂彥人大兄皇子之子敏達嫡孫也母糠手姬皇女三十六年三月推古崩天皇屬在元嗣且承遺詔山背王亦以為受旨有意踐阼於是大臣蘇我蝦夷大會羣臣議定所立僉曰當從遺詔立田村皇子唯境部摩理勢等固欲奉山背王蝦夷殺摩理勢

己三元年日本史春正月即位大臣蘇我蝦夷如故

庚四二年日本史春正月立寶皇女為皇后三月高麗百濟朝貢

秋八月遣犬上御田鋏藥師慧日於唐冬十月移宮於飛鳥岡號岡本宮

卯三年日本史三月百濟王義慈經其子豐璋為質秋九月行幸攝津有間温湯冬十二月還宮

舊唐書倭國傳貞觀五年遣使獻方物太宗矜其道遠敕所司無令歲貢又遣新州刺史高表仁持節往撫之表仁無綏遠之才與王子爭禮不宣朝命而還至二十二年又附新羅奉表以通起居唐書日本傳太宗貞觀五年遣使者入朝帝矜其遠詔有司無拘歲貢遣新州刺史高仁表往諭與王爭禮不平不肯宣天子命而還久之更附新羅使者上書

壬六四年日本史秋八月唐使高表仁送犬上御田鋏等至對馬

冬十月遣大伴馬養以飾船三十餘迎高表仁入難波館

癸七五年日本史春正月高表仁等歸使吉士雄麻呂黑麻呂送

至對馬

案新唐書作仁表舊唐書作表仁與日本史同

甲八 六年

乙九 七年日本史夏六月百濟朝貢

丙十 八年日本史春正月敕羣臣朝參鳴鐘為期夏五月霖雨大水六月岡本宮災遷御田中宮是歲大旱天下飢

丁十九年日本史春二月蝦夷叛大仁上毛野形名為將軍討平之

戊二十年日本史冬十月行幸有閒温湯百濟新羅任那朝貢

己三十一年日本史春正月至自有閒九月新羅遣使送入唐學問僧慧隱慧雲至京冬十二月行幸伊豫温湯是月建九層塔於百濟川上

庚十 十二年日本史夏四月還自伊豫自六年至十二年天變迭見五月大設齋會使僧慧隱說無量壽經於大內禁中用僧自此始也冬十月新羅百濟朝貢是月遷百濟宮

辛十 十三年日本史冬十月天皇崩於百濟宮葬滑谷岡後改葬埤坂陵又后寶皇女茅渟王女夫人法提郎媛大臣蘇我馬子女采女蚊屋后生帝天武帝間人皇后後為皇極帝法提郎媛生古人皇子蚊屋生蚊屋皇子

皇極天皇

唐書日本傳次皇極

宋史日本傳次皇極天皇年代紀

日本史皇極天皇諱天豐財重日足姬初稱寶皇女敏達曾孫押坂彥人大兄皇子孫茅渟王女也母吉備姬王天皇初適用明孫高向王而生漢皇子後舒明納焉二年立為皇后十三年十月舒

明崩

王十
寅六元[日本史]春正月即位大臣蘇我蝦夷如故蝦夷子入鹿
專政威權過父二月高麗百濟入貢夏六月大旱秋七月大臣蝦
夷以百姓大雩無應聚僧大寺讀大乘經燒香白禱亦無驗八月
天皇行幸南淵河上跪拜四方仰天而祈雷雨忽至遂雨五日徧
於諸國百姓呼萬歲稱曰至德天皇十二月葬舒明

癸十
卯七二年[日本史]三月遷都於飛鳥號板蓋宮九月改葬舒明十

一月蘇我入鹿謀立古人大兄皇子遣巨勢德太古土師猪手襲
山背大兄王王及妻子自經死

甲十
辰八三年

乙十
巳九四年[日本史]夏六月中大兄皇子誅蘇我入鹿於朝其父蝦

夷亦伏誅蘇我族滅天皇傳位於輕皇子

孝德天皇

唐書日本傳次孝德

宋史日本傳次孝德天皇年代紀

日本史孝德天皇諱天萬豐日初 輕皇子皇極母弟也皇極四
年六月授璽天皇令踐阼天皇讓古人大兄皇子皇子固辭入吉
野山法興寺為僧世稱吉野太子於是天皇即位尊皇極帝曰皇
祖母尊立中大兄皇子為皇太子罷大連始置左右大臣及內臣
天皇與皇太子奉皇祖母尊盟羣臣於大槻樹下以是歲為大化
元年年號始此秋七月立閒人皇女為皇后高麗百濟新羅朝貢
九月古人皇子謀反吉備笠垂白首遣兵討之古人皇子伏誅遣
使諸國錄民數詔曰歷世天皇必置標代民垂名於後故臣連伴
造國造等亦各置私民恣情驅使且割國縣山海林野池田以為

私財爭奪無已或兼并數萬頃田或無立錐地及進調賦亦先自
收斂然後分進修治宮殿造營園陵亦各率私民而從事易曰損
上益下節以制度不傷財不害民方今百姓猶乏而有勢者分割
水陸以爲私地賣與百姓年率其價從今以後宜禁私賣地以杜
兼并之路於是百姓大悅冬十二月遷都於難波長柄號豐碯宮
日本國志今西
成郡長柄村

丙二 大化二年日本史春正月宣詔下新令一罷前代所置子代

之民臣連伴造國造村首所有部曲田莊大夫以上賜食封官人
百姓賜布帛各有差二定畿內國界置國司郡分大中小置大領
小領主政主帳三造戶籍制班田收授法定田畝四罷舊賦役行
租庸調法日本國志各州徧設國司郡司諸吏
多以國造任之於時漸省國爲郡是月行幸子代離

宮遣使郡國修兵庫二月詔曰朕懸種設貴置收表官母且朕自
庶無冤滯近日有投匭者言百姓有事至京師者官司輒留役朕

始亦思之然遷都日淺作役未畢故不得已而役之近得此表嘉
歎不已其罷各處雜役高麗百濟任那新羅朝貢至自子代離宮
三月詔東國朝集使曰去年八月朕諭曰莫藉官勢取公私物宜
各食部內之粟騎部內之馬違諭者次官以上降爵位主典以下
決笞杖贓物倍徵之今問朝集使及諸國造等備知違詔罪狀自
今以後國司等謹遵前詔勿放逸優詔褻鹽屋鰒魚神社福草朝
倉君椀子連三河大伴直蘆尾直等六人良政罷官司各處屯田
免吉備島皇祖母所貸稻以其屯田班賜羣臣及伴造等先是命
皇太子議子代入部御名入部及屯倉廢置之宜於是皇太子奏
停之先獻入部民五百二十四口屯倉一百八十一所詔曰朕聞
西土之君戒其民曰古之葬者因高爲墓不封不樹棺槨足以朽

骨衣衾足以朽矣而已故吾營此丘墟不食之地欲使易代之後不知其所無藏金銀銅鐵一以瓦器合古塗車芻靈之義棺漆際會奠三過飯含無以珠玉無施珠襦玉柙諸愚俗所爲也又曰葬者藏也欲人弗得見也迺者我民由營墳墓屢致貧窶蓋由尊卑無制今新立定法凡王以下至庶民不得營殯畿內及諸國宜定一葬地不得散處凡自經及絞人爲殉或瘞馬於壙或藏寶於墓或斷髮刺股而誅如此敝習一切禁遏若有違詔者罪逮其族又詔罷市司及要路津濟渡子調賦而給田地遣使諸國勸農事禁耕種以前飲酒食美味九月遣小德高向玄理於新羅徵質罷任那調行幸蝦蟆離宮是歲越國鼠晝夜相連東徙

丁未一 大化三年日本史春正月觀射於朝高麗新羅貢調冬十月行幸有間温湯十二月還御武庫行宮是歲天皇遷御小郡陪新制禮法定百官朝參時刻制七色十三階冠新羅遣上臣大陪浪金春秋爲質

戊申二 大化四年日本史春正月行幸難波豐碕宮夏四月罷古冠新羅貢調

己酉三 大化五年日本史春二月改制冠十九階置八省百官

庚戌 高宗永白雉元年日本史春正月行幸味經宮受朝賀二月穴戶國司草壁醜經獻白雉詔改元大赦夏四月新羅貢調

辛亥 唐書日本傳永徽初其王孝德即位改元曰白雉
白雉二年日本史夏六月百濟貢調冬十二月召僧尼二千一百餘人於味經宮讀大藏經然鐙二千七百餘於廷內讀安宅

土測等經

壬子三 白雉三年日本史春正月行幸大郡宮三月還宮夏四月洪

水壞屋傷稼作戶籍新羅百濟貢調冬十二月召天下僧尼於內裏設齋然鐙

癸四 白雉四年日本史夏五月以小山上吉士長丹為遣唐大使

小乙上吉駒為副使又以大山下高田根麻呂為大使小乙上埜

守小麻呂為副使臨僧旻房間病六月百濟新羅貢調僧旻死遣

使賜賻秋七月遣唐使高田根麻呂至薩麻竹島合船漂沒唯五

人得免

宋史日本傳白雉四年律師道照求法至中國從三藏僧玄奘受

經律論當此土唐永徽四年也年代紀

日本史是歲皇子奏請遷於倭京不許皇太子奉皇祖母尊皇后

率皇弟移居倭飛鳥河邊行宮公卿百官皆從天皇不樂欲棄天

位造宮於山崎

寅 白雉五年日本史二月以大錦上高向玄理為遣唐押使小

錦下河邊麻呂為大使大山下藥師慧日為副使秋七月遣唐使

小山上吉士長丹小乙下吉士駒等歸獻書籍寶貨

唐書日本傳永徽初其王孝德獻琥珀大如斗瑪瑙若五升器時

新羅為高麗百濟所暴高宗賜璽書令出兵援新羅

宋史日本傳唐永徽五年遣使獻琥珀瑪瑙

日本史冬十月天皇不豫皇太子公卿等悉詣難波宮天皇崩十

二月葬河內大坂磯長陵又后間人舒明妃小足媛左大臣阿倍

乳娘右大臣蘇我倉山田石川麻呂女子一小足媛生有間皇子

齊明天皇

唐書日本傳未幾孝德死其子天豐財立

宋史日本傳次天豐財重日足姬天皇年代紀

案合宋史及日本史考之知唐書以爲孝德子誤也

日本史齊明天皇者皇極天皇重踐阼也始天皇禪位於孝德上尊號曰皇祖母尊白雉五年十月孝德不豫天皇自飛鳥河邊行宮至難波宮既而帝崩十二月葬孝德是日天皇自難波還行宮

乙六元年日本史春正月天皇即位於飛鳥板蓋宮中大兄皇子仍爲皇太子左大臣巨勢德太古內臣中臣鎌足並如故八月小錦下河邊麻呂等還自唐冬板蓋宮災天皇遷飛鳥川原宮

丙顯慶二年日本史改卜宮地於飛鳥岡本號後飛鳥岡本宮又起觀於田身嶺上兩槻樹下周以牆垣號兩槻宮又曰天宮又造吉野宮岡本宮災

丁二三年日本史秋七月吐火羅國人來假造須彌山狀於飛鳥寺西設盂蘭盆會遣閒人御殿衣網維子曾習進等於寺前命所羅護送新羅不奉詔御殿等歸

宋史日本傳令僧智通等入唐求大乘法象教當顯慶三年年代案智通蓋即智達通達形近未知孰是據此則御殿等歸而智通仍行其至中國當顯慶三年矣

戊三四年日本史夏四月阿倍比羅夫率舟師伐蝦夷降之冬十月行幸紀溫湯十一月有閒皇子謀反伏誅黨與流斬是歲越國守阿倍比羅夫伐肅慎獻熊二熊皮七十張僧智踰造指南車

己四五年日本史春正月至自紀溫湯三月行幸吉野近江平浦吐火羅舍衛國人來秋七月遣坂合石布津守吉祥聘唐將陸奧蝦夷男女二人進唐主

庚六六年日本史夏五月敕作高座一百衲袈裟一百設仁王般若會皇太子始造漏刻秋九月百濟遣使奏新羅借唐兵滅其國

佐平鬼室福信與新羅戰圖恢復冬十月鬼室福信遣使獻唐俘百餘人乞救且請迎其王子餘豐爲國主許之十二月將遣兵救百濟行幸難波宮簡閱軍器敕駿河造船

辛龍朔西元七年日本史春正月親帥舟師西征至大伯海次伊豫熟

田津石湯行宮三月遷娜大津居磐瀨行宮改號長津夏四月百濟佐平鬼室福信上表乞迎其王子紘解五月天皇伐朝倉社樹造橘廣庭宮居之秋七月天皇崩於朝倉宮八月皇太子奉梓宮遷於長津宮葬小市岡上陵追諡前朝曰皇極天皇後朝曰齊明天皇初天皇居飛鳥岡本宮屢興土木使水工鑿渠自香山西至石上山以船二百隻運石上山石於宮東山巖以爲垣材木朽腐委積山椒工匠役夫十餘萬人費用不貲士民怨苦謂之狂心渠

日本國志自繼體至皇極齊明

天智天皇

唐書日本傳死子天智立

宋史日本傳次天智天皇年代

日本史天智天皇諱天命開別初稱葛城皇子一名中大兄舒明嫡子皇極所生也天皇常見蘇我入鹿專橫僭偽迹露與中臣鎌足謀除之從其計納蘇我石川麻呂女爲援鎌足又薦佐伯子麻呂葛城稚犬養網田皇極四年六月三韓進貢帝御大極殿入鹿朝服而入天皇命石川麻呂讀三韓表子麻呂網田斬入鹿便戒衛門府鎖十二通門隔絕往來親執長槍立於殿側鎌足持弓矢侍衛石川麻呂讀表文將盡鎌足促子麻呂子麻呂畏縮不發石川麻呂手戰聲索汗出沾脊入鹿怪問之石川麻呂曰天威咫尺不覺而然天皇恐失機生變咄嗟而入急擊入鹿中其頭肩子麻

考三統紀

通

呂等繼進揮劍斬其一腳入鹿攀御座叩頭曰臣不知罪請垂天
鑒皇極謂天皇曰入鹿有何罪天皇伏地奏曰鞍作盡滅皇族將
傾天皇位豈可以鞍作易天孫乎帝即起入內子麻呂等遂斬入
鹿天皇慮有他變入法興寺以備諸皇子公卿悉赴焉以入鹿屍
賜其父蝦夷漢直等將率其徒助蝦夷爲亂天皇令將軍巨勢德
大古諭以逆順賊徒潰散蝦夷伏誅皇極將傳位天皇天皇從鎌
足之言密奏讓孝德皇極嘉之遂禪位於孝德立天皇爲皇太子
匡輔朝政齊明帝再祚仍爲皇太子七年正月從西征七月帝崩
皇太子素服稱制是月唐將軍蘇定方與突厥契苾加力等水陸
俱進薄高麗城下八月皇太子奉喪遷長津宮聽海表軍政遣前
將軍大華下阿曇比邏夫小華下河邊百枝後將軍大華下阿倍
引田比羅夫大山上物部熊大山上守大石等救百濟洽兵仗五
穀九月授織冠於百濟王子餘豐還其國使大山下狹井權根小
山下朴市泰田來津率兵五千餘護送之十月奉梓宮發長津還
至難波十一月殯於飛鳥川原十二月高麗言大破唐兵取二壘
壬二元年日本史正月賜百濟佐平鬼室福信矢十萬枝絲五百
斤綿千斤布千端韋千張稻種三千斛三月賜百濟王子餘豐布
三百端是月唐人新羅人伐高麗高麗遣使請救五月大將軍大
錦中阿曇比邏夫帥舟師至百濟宣敕立餘豐爲王賜金策於鬼
室福信詔誦褒美六月百濟貢調

唐書日本傳天智立明年使者與蝦蟇人皆朝蝦蟇亦居海島中
其使者鬢長四尺許珥箭於首令人載瓠立數十步射無不中

案据日本史齊明時遣使聘唐將蝦夷進唐主即此事也非天

智時疑史傳誤

癸三二年日本史二月百濟貢調鬼室福信獻唐俘續守言等三月遣前將軍上毛野稚子間人大蓋中將軍巨勢神前譯語三輪根麻呂後將軍阿倍引田比羅夫大宅鎌柄率兵二萬七千伐新羅八月新羅入百濟圍其王城諸將與唐兵戰於白村江不利小山下朴市秦田來津死之百濟王餘豐走高麗九月諸軍還自百濟佐平余自信達率木素貴子谷那晉首憶禮福畱等率國民從來

甲麟德三年日本史二月命大海人皇子改冠位號增爲二十六階定氏上民部家部其大氏之氏上賜大刀小氏之氏上賜小刀伴造等氏上賜干楯弓矢三月以百濟王子善光等居難波五月唐百濟鎮將劉仁願遣朝散大夫郭務悰等進表獻物十月饗郭務悰等賜物有差

乙丑四年日本史二月間人太后崩處百濟男女四百餘口於近江神前郡給田九月唐使沂州司馬劉德高等上表十月大閱於菟道十一月饗唐使十二月劉德高等歸賜物有差是歲遣小錦守大石小山境部石積大乙岐彌針間於唐

丙乾封五年日本史正月高麗貢調耽羅貢獻七月大水免今秋租調十月高麗貢調是冬處百濟男女二千餘口於東國僧智由獻指南車

丁卯六年日本史二月葬齊明七月耽羅貢獻八月皇太子如倭京十一月唐百濟鎮將劉仁願遣熊山縣令司馬法聰等送還大山下境部石積等於筑紫都督府司馬法聰等歸使小山下伊吉博德大乙下笠諸石護送是月築城於倭高安讚吉屋島對馬島

金田

戊總章
辰元

元年日本史春正月始行即位禮時年四十三天皇至孝

殯先帝六年至此登阼宴羣臣二月立倭姬為皇后古人皇子女也夏四月百濟貢調五月獵於蒲生野秋七月高麗貢調是月講

武於近江多置牧放馬越國獻然土然水九月新羅貢調冬十月

唐滅高麗十一月賜新羅王絹五十疋綿五百斤韋百枚

己二二年日本史春三月耽羅貢獻使歸賜五穀種於耽羅王夏

五月獵於山科野秋九月新羅貢調冬十月臨內臣中臣鎌足第

問病遣大海人皇子就鎌足第賜姓藤原授大織冠為內大臣內

大臣始於此內大臣藤原鎌足薨十二月大藏災是冬修高安城

藏畿內租稅斑鳩寺災是歲遣小錦中河內鯨等於唐徙百濟男

女七百餘口於近江浦生郡唐使郭務棕等二十餘人來

冊府元龜總章二年十一月倭國遣使獻方物

庚咸亨
午元三年日本史春正月制朝廷禮節及行路相過之儀禁違

諸妖妄事二月造戶籍紕斷盜賊浮浪行幸蒲生郡匱邇野觀宮

地又修高安城蓄鹽穀修長門及筑紫城是歲造水碓冶鐵

唐書日本傳咸亨元年遣使賀平高麗

辛二四年日本史春正月大海人皇子奉敕頒冠位法度大赦天

下高麗貢調唐百濟鎮將劉仁願遣李守真等上表授百濟佐平

餘自信沙宅紹明等五十餘人位各有差二月百濟貢調夏四月

始置漏刻於新臺擊鐘鼓以警時日本國志定十陵隨世次遞除後世以帝為中興之祖因奉為

百世不除之陵秋九月天皇不豫冬十月宮中開百佛眼遣使供袈裟金

鉢象牙沈水旃檀及諸珍寶於法興寺十七日召大海人皇子屬

以後事皇子再拜稱疾固辭請為僧辭意懇至乃許之即日剃頭

敕賜袈裟十九日再入宮拜辭入吉野於是立大友皇子為皇太

子十一月近江宮災十二月天皇崩於近江志賀宮年四十六葬山背山科陵天皇好學能文明習治體設庠序徵茂才定五禮興百度嘗命羣臣撰令二十二卷謂之近江朝命所製文章甚多今皆不傳有書法一百卷孝謙帝時藏之崇福寺初天皇從齊明帝西征造宮於朝倉山材木不斲務從質樸時人謂之黑木御所又號木丸殿親製朝倉木丸殿歌後世以為神樂曲又嘗欲修倭高安城慮民疲弊重勞之而止者數焉時人稱其仁德又后倭姬古皇子皇嬪遠智娘右大臣蘇我倉山姪娘遠智橘娘左大臣阿倍常陸娘左大臣蘇我赤兄女色夫古娘忍海小黑媛娘栗隈德宅子娘伊賀越道君伊羅都賣子四遠智娘生建皇子持統帝姪娘生元明帝色夫古娘生川島皇子宅子娘生宏文帝伊羅都賣生春日宮天皇施基施基生

宏文天皇

日本史宏文天皇諱大友初稱伊賀皇子天智長子也母伊賀采女宅子娘魁岸奇偉天性明悟博學通古唐使劉德高見而異之曰皇子風骨非常不似世間人天智四年正月拜太政大臣總百揆羣下肅然十月帝大漸大海人皇子辭儲位帝許之於是立天皇為皇太子十一月皇太子與左大臣蘇我赤兄右大臣中臣金御史大夫蘇我果安巨勢人紀大人誓於佛像前復盟於帝前十二月天智崩皇太子即位時年二十四壬三元年日本史春三月遣使筑紫告喪於唐使郭務棕郭務棕等喪服舉哀東向稽首獻書函信物夏五月賜甲冑弓矢繩布綿於郭務棕等六月大海人皇子稱兵於吉野遣其將於美濃發兵塞不破道使伊勢國司三寶石牀等塞鈴鹿山道京師大震天皇

召羣臣會議或進策曰急發驍騎躡跡追之若緩則失事機天皇不聽遣韋那磐歛書藥忍坂大麻呂於東國穗積百足及弟百枝物部日向於倭京佐伯男於筑紫樟磐手於吉備國發兵諭男磐手曰筑紫太宰栗隈王吉備國守當摩廣島雅屬心吉野若有不服就殺之磐手到吉備國授符給廣島殺之男至筑紫栗隈王承符辭謝不肯出兵磐歛等至不破藥大麻呂爲伏兵所虜磐歛逃歸高坂王與穗積百足等營於飛鳥寺西槻下百足爲吉野將大伴吹負所誘殺百枝日向亦被擒縶是高坂王稚狹王懼出降秋七月吉野將坂木財陷高安城壹岐韓國分軍自大津丹比二道進攻財於高安城財等進兵渡衛我河韓國戰卻之河內國司來目鹽籠謀應不破軍韓國覺之鹽籠自殺時山部王蘇我果安巨勢人將兵數萬軍於大上川欲進襲不破山部王爲果安人所殺軍亂不進果安自殺羽田矢國其子大人以其族降於吉野將軍大野果安擊大伴吹負於乃樂山大破之追至八口疑有伏不退田邊小隅夜襲吉野將田中足麻呂所守倉歷營大破之進兵攻荊萩野營不利而退境部藥與村國男依戰於息長橫河敗死秦友足與男依戰於烏籠山死之壹岐韓國與吹負戰於葦池上不利吹負分兵來攻別將廬井鯨率精兵衝吹負營旣而吉野將三輪高市麻呂置始菟大破我上道軍於箸陵遂斷鯨軍後兵士驚潰鯨單騎走社戶大口土師千島與男依戰於安河上被虜栗太軍又敗男依等薄瀨田天皇悉眾軍橋西智尊率精銳爲先鋒撤橋板三丈置一長板繫索設機吉野兵不敢進大分稚臣棄矛提刀踏板疾度截斷板索冒矢以進我兵悉亂智尊怒斬退者然不可禁智尊戰死軍遂敗績三尾城陷犬養五十君谷鹽手敗死羣

臣皆逃唯物部麻呂及一二舍人從天皇崩於山前時年二十五

明治三年追諡宏文天皇又妃十市皇女天武耳面刀

麻十市生葛野皇子耳面刀自生壹志姬王某氏生與

